

四庫全書

集部

欽定四庫全書

御定全唐詩卷三十六

虞世南

虞世南字伯施餘姚人沈靜寡欲精思讀書至累旬不  
盟擢文章婉縟見稱於僕射徐陵由是有名在隋官秘  
書郎十年不徙入唐為秦府記室參軍遷太子中舍人  
太宗踐祚歷弘文館學士秘書監卒謚文懿太宗稱其  
德行忠直博學文詞書翰為五絕手詔魏王泰曰世南

當代名臣人倫準的今其云亡石渠東觀中無復人矣  
集三十卷今編詩一卷

從軍行二首

一作  
擬古

塗山烽候驚

一作  
警

弭節度龍城冀馬樓蘭將燕犀上谷

兵劒寒花不落弓曉月逾明凜凜嚴霜節冰壯黃河絕

蔽日卷征蓬浮天散飛雪全兵值月滿精騎乘膠折結

髮早驅馳辛苦事旌麾馬凍重關冷輪摧九折危獨有

西山將年年屬數奇

烽

一作  
燿

火發金微

一作  
徽

連營出武威孤城塞雲起絕陣

虜塵飛俠客吸龍劍惡少縵胡衣朝摩骨都壘夜解谷

蠡圍蕭關遠無極蒲海廣難依沙磴離旌斷晴川候馬

歸交河梁已畢燕山旆欲揮

一作  
正飛

方知萬里相侯服見

一作  
有光輝

擬飲馬長城窟

馳馬渡河干流深馬渡難前途錦車使都護在樓蘭輕  
騎猶銜勒疑兵尚解鞍溫池下絕澗棧道接危巒拓地

勛未

一作方

賞亡城律豈寬有月關猶暗經春隴尚寒雲

昏無復影冰合不聞湍懷君不可遇聊持報一殮

出塞

上將三略遠元戎九命尊緬懷古人節思酬明主恩山

西多勇氣塞北有遊魂揚桴

一作鞭

上隴坂勒騎下平原

誓將絕沙漠悠然去玉門輕齎不遑舍驚策驚戎軒凜

凜邊風急蕭蕭征馬煩雪暗天山道冰塞交河源霧鋒

黯無色霜旗凍不翻耿介倚長劍日落風塵昏

結客少年場行

韓魏多奇節，倜儻遺聲利。共矜然諾心，

一作情

各負縱橫

志

一作意

結交一言重，相期千里至。綠沈明月弦，金絡浮

雲轡。吹簫入吳市，擊筑遊燕肆。尋源博望侯，結客遠相

求少年懷

一作垂

一顧長驅背隴頭，皖皖戈霜動耿耿。劍

虹浮天山，冬夏雪交河。南北流雲

一作風

起龍沙，暗木落

鴈門。秋輕生殉知己，非是為身謀。

怨歌行

紫殿秋風冷雕甍落

一作白

日沈裁紈淒斷曲織素別

一作

引離心掖庭羞

一作若

改畫長門不惜金寵移恩稍薄情

疎恨轉深香銷翠羽帳弦斷鳳皇琴鏡前紅粉歇階上  
綠苔侵誰言掩歌扇翻作白頭吟

中婦織流黃

寒閨織素錦含怨斂雙蛾綜新交縷澁經脆斷絲多衣  
香逐舉袖釧動應鳴梭還恐裁縫罷無信達交河

門有車馬客

陳遵

一作財雄

重交結田蚡

一作戚里

擅豪華曲臺臨上路高軒

一作門

抵狹斜赭汗千金馬繡軸

一作轂

五香車白鶴隨飛

蓋朱鷺入鳴笳夏蓮開劍水春桃發綬

一作露

花高談辯

飛兔

一作輕翥染迴雪

摘藻握靈蛇

一作泛流霞

逢恩出毛羽

一作

借羽翼

失路委泥沙曖曖風烟晚路長歸騎遠日斜青瑣

第塵飛金谷苑危弦促柱奏巴渝遺簪隋珥解羅襦如

何守直道翻使谷名愚

飛來雙白鶴



飛來雙白鶴奮翼遠凌烟俱棲集紫蓋一舉背青田颺

影過伊洛流聲入管弦鳴羣

一作傳

倒景外刷羽閭風前

暎海疑浮雪拂澗瀉飛泉燕雀寧知去蜉蝣不識還何

言別儔侶從此間山川顧步已相失裴回各

一作反

自憐

危心猶警露哀響詎聞天無因振六翮輕舉復隨仙

奉和幽山雨後應令

肅城隣上苑黃山邇桂宮雨歇連峰翠烟開竟野通排  
虛翔戲鳥跨水落長虹日下林全暗雲收嶺半空山泉

鳴石澗地籟響巖風

賦得吳都

畫野通淮泗星躔應斗牛  
玉牒宏圖表黃旗美氣浮  
三  
分開霸業萬里宅神州  
高臺臨茂苑飛閣跨澄流  
江濤如素蓋海氣似朱樓  
吳趨自有樂還似鏡中遊

賦得慎罰

帝圖光往冊上德表鴻名  
道冠二儀始風高三代英  
樂和知化洽訟息表刑清  
罰輕猶在念勿喜尚留情  
明慎

全無枉哀矜在好生五疵過亦察二辟理彌精幪巾示  
庶耻嘉石務詳平每削繁苛性常深惻隱誠政寬思濟  
猛疑罪必從輕于張懲不濫陳郭憲無傾刑措諒斯在  
歡然仰頌聲

奉和詠日午

高天淨秋色長漢轉曦車玉樹陰初正桐圭影未斜翠  
蓋飛圓彩明鏡發輕花再中良表瑞共仰璧暉賒

發營逢雨應詔

豫遊欣勝地皇澤乃先

一作光

天油雲陰御道膏雨潤公

田隴麥霑逾翠山花濕更然稼穡良所重方復悅豐年

賦得臨池竹應制

蔥翠梢雲質垂彩映清池波泛含風影流搖防露枝龍  
鱗漾嶰谷鳳翅拂漣漪欲識凌冬性唯有歲寒知

侍宴應詔賦韻得前字

芬芳禁林晚容與桂舟前橫空一鳥度照水百花然綠  
野明斜日青山澹晚烟濫陪終宴賞握管類窺天

侍宴歸鴈堂

歌堂面渌水舞館接金塘竹開霜後翠梅動雪前香  
鳬歸初命侶鴈起欲分行刷羽同棲集懷恩愧稻粱

凌晨早朝

萬瓦宵光曙重簷夕霧收玉花傳夜燭金壺送曉籌  
日暉青瑣殿霞生結綺樓重門應啟路通籍引王侯

奉和詠風應魏王教

逐舞飄輕袖傳歌共繞梁動枝生亂影吹花送遠香

初晴應教

初日明燕館新溜滿梁池歸雲半入嶺殘滴尚懸枝

春夜

春苑月裏回竹堂侵夜開驚鳥排林度風花隔一作水

來

詠舞

繁弦奏淥水長袖轉回鸞一雙俱應節還似鏡中看

詠螢

的歷流光小，飄颻弱翅輕。  
恐畏無人識，獨自暗中明。

蟬

垂緜飲清露，流響出疎桐。  
居高聲自遠，非是藉秋風。

秋鴈

一作褚亮詩

日暮霜風急，羽翮轉難任。  
為有傳書意，聯翩入上林。

奉和月夜觀星應令

此以下詩皆在隋時所作

早秋炎景暮，初弦月彩新。  
清風滌暑氣，零露淨器塵。  
薄霧銷輕縠，鮮雲卷夕鱗。  
休光灼前曜，瑞彩接重輪。  
緣情

摘聖藻並作命徐陳宿草誠渝濫吹噓偶措紳天文豈  
易述徒知仰北辰

和鑾輿頓戲下

一作追從鑾輿  
夕頓戲下應令

重輪依紫極前耀奉丹霄天經戀宸扆帝命扈仙鑣乘  
新開鶴禁帶月下虹橋銀書含曉色金輅轉晨飈霧澈  
軒營近塵暗苑城遙蓮花分秀萼竹箭下驚潮撫已慙  
龍幹承恩集鳳條瑤山盛風樂抽簡薦徒謠

奉和至壽春應令

一作奉和長  
春宮應令



瑤山盛風樂南巡務逸遊如何事巡撫民瘼諒斯求文  
鶴揚輕蓋蒼龍飾桂舟泛沫縈沙嶼寒澌擁急流路指  
八仙館途經百尺樓眷言昔遊踐迴駕且淹留後車喧  
鳳吹前旌暎綵旒龍驂駐六馬飛閣上三休調諧金石  
奏歡洽羽觴浮天文徒可仰何以廁琳球

奉和幸江都應詔

南國行周化稽山秘夏圖百王豈殊軌千載協前謨肆  
覲遵時豫順動悅來蘇安流進玉軸

一作畫舸

戒道翼金吾

龍旂煥辰象鳳吹溢川塗封唐昔敷錫分陝被荆吳沐  
道咸知讓慕義久成都冬律初飛管陽鳥正銜蘆嚴飈  
肅林薄暖景澹江湖鴻私浹幽遠厚澤潤凋枯虞琴起  
歌詠漢筑動巴歛多韋霑行葦無庸類散樗

奉和獻歲讌宮臣

履端初起節長苑命高筵肆夏喧金奏重潤響朱弦春  
光催柳色日彩泛槐煙微臣同濫吹謬得仰鈞天

奉和出潁至淮應令

良晨喜利涉解纜入淮潯寒流泛鷁首霜吹響哀吟潛  
鱗波裏躍水鳥浪前沈邗溝非復遠悵望悅宸襟

應詔嘲司花女

隋遺錄曰煬帝幸江都洛陽人獻合蒂迎輦花帝命御車女素

寶兒持之號司花女時詔世南草勅于帝側寶兒注視久之帝曰昔飛燕可掌上舞今得寶兒方昭前事然多慙態今注目於卿卿可便嘲之世南為絕句

學畫鴉黃半未成垂肩舁袖太慙生緣慙却得君王惜  
長把花枝傍輦行

御定全唐詩卷三十六

欽定四庫全書

御定全唐詩卷三十七

王績

王績字無功絳州龍門人文中子之弟隋末授祕書省  
正字不樂在朝求為六合丞嗜酒不任事尋還鄉里唐  
高祖武德初以前官待詔門下省時太樂署史焦革家  
善釀績求為丞革死棄官歸東臯著書號東臯子集五  
卷今編詩一卷

古意六首

幽人在何所，紫巖有仙躅。  
月下橫寶琴，此外將安欲。  
材抽嶧山榦，徽點崑丘玉。  
漆抱蛟龍脣，絲纏鳳凰足。  
前彈廣陵罷，後以明光一作光明續。  
百金買一聲，千金傳一曲。  
世無鍾子期，誰知心所屬。

竹生大夏谿，蒼蒼富奇質。  
綠葉吟風勁，翠莖犯霜密。  
霜霰封其柯，鸕鷀食其實。  
寧知軒轅後，更有伶倫出。  
刀斧俄見尋，根株坐相失。  
裁為十二管，吹作雄雌律。  
有用雖

自傷無心復招疾不如山上草離離保終吉

寶龜尺二寸由來宅深水浮遊五湖內宛轉三江裏何  
不深復深輕然至溱洧溱洧源流狹春秋不濡軌漁人  
遞往還網罟相縈藟一朝失運會剗腸血流死豐骨輸  
廟堂鮮腴藉籩簋棄置誰怨尤自我招此否餘靈寄明  
卜復來欽所履

松生北巖下由來人徑絕布葉捎雲煙插根擁巖穴自  
言生得地獨負凌雲潔何時畏斤斧幾度經霜雪風驚

西北枝電隕東南節不知歲月久稍覺枝幹折藤蘿上  
下碎枝幹縱橫裂行當糜爛盡坐共灰塵滅寧關匠石  
顧豈為王孫折盛衰自有時聖賢未嘗屑寄言悠悠者  
無為嗟大耋

桂樹何蒼蒼秋來花更芳自言歲寒性不知露與霜幽  
人重其德徙植臨前堂連拳一作螭八九樹偃蹇二三行

枝枝自相糾葉葉還相當去來雙鴻鵠栖息兩鴛鴦榮  
蔭誠不厚斤斧亦勿傷赤心許君時此意那可忘

彩鳳欲將歸提羅出郊訪羅張大澤已鳳入重雲颺朝  
栖崑閬木夕飲蓬壺漲問鳳那遠飛賢君坐相望鳳言  
荷深德微禽安足尚但使雛卵全無令繒繳放皇臣力  
牧舉帝樂蕭韶暢自有來巢時明年阿閣上

石竹詠

萋萋結綠枝惝惝垂朱英常恐零露降不得全其生歎  
息聊自思此生豈我情昔我未生時誰者令我萌棄置  
勿重陳委化何足驚



田一作山家三首一作王勃詩

阮籍生涯

一作年一作平

懶嵇康意氣疎相逢一醉飽獨坐數

行書小池聊養鶴閒田且牧豬草生元亮徑花暗子雲

居倚牀看婦織登壇課兒鋤迴頭尋仙事併是一空虛

家住箕山下門枕潁川濱不知今有漢唯言昔避秦琴

伴前庭月酒勸後園春自得中林士何忝上皇人

平生唯酒樂作性不能無朝朝訪鄉里夜夜遣人酤家

貧留客久不暇道精麤抽簾持益炬拔簣更燃爐恒聞

飲不足何見有殘壺

贈李徵君大壽

孔淳辭散騎陸昶謝中郎幅巾朝帝罷杖策去官忙附  
車還趙郡乘船向武昌九徵書未已十辟譽彌彰副君  
迎綺季天子送嚴光灞陵幽徑近磻谿隱路長編蓬還  
作室績草更為裳會稽置樵處蘭陵賣藥行看書惟道  
德開教止農桑別有幽懷侶由來高讓王前年辭厚幣  
今歲返寒鄉有書橫石架無氊坐土牀蘭英猶足釀竹

實本無糧澗松寒轉直山菊秋自香管寧存祭禮王霸  
重朝章去去相隨去披裘驕盛唐

山中叙志

一本題上有  
未婚二字

物外知何事山中無所有風鳴靜夜琴月照芳春酒直  
置百年內誰論千載後張奉一作鳳聘賢妻老萊藉嘉偶  
孟光儻未嫁梁鴻正湏婦

贈梁公

我欲圖世樂斯樂難可常位大招譏嫌祿極生禍殃聖

莫若周公忠豈踰霍光成王已興誚宣帝如負芒范蠡  
何智哉單舟戒輕裝疏廣豈不懷策杖還故鄉朱門雖  
足悅赤族亦可傷履霜成堅冰知足勝不祥我今窮家  
子自言此見長功成皆能退在昔一作自古誰滅亡

薛記室收過莊見尋率題古意以贈

伊昔逢喪亂歷數閏當餘豺狼塞衢路桑梓成丘墟余

一作吾及爾皆亡東西各異居爾為背

一作培

風鳥我為涸

轍魚逮承雲雷後欣逢天地初東川聊下釣南畝試揮

鋤資稅幸不及伏臘常有儲散誕時須酒蕭條嬾向書  
朽木不可雕短翮將焉據故人有深契過我蓬蒿廬曳  
裾出門迎握手登前除相看非舊顏忽若

一作形骸疎對接

追道宿昔事切切心相於憶我少年時攜手遊東渠梅  
李夾兩岸花枝何扶疏同志亦不多西莊有姚徐嘗愛  
陶淵明酌醴焚枯魚嘗學公孫弘策杖牧羣豬追念甫  
如昨奄忽成空虛人生詎能幾歲歲

一作感迫

常不舒賴有

北山僧教我以真如使我視聽遣自覺塵累祛何事須

筌蹄今已得兔魚舊遊儻多暇同此釋紛拏

晚年叙志示翟處士正師

弱齡慕奇調無事不兼修望氣登重閣占星上小樓明  
經思待詔學劍覓封侯棄繻頻北上懷刺幾西遊中年  
逢喪亂非復昔追求失路青門隱藏名白社遊風雲私  
所愛屠博暗為儔解紛曾霸越釋難頗存周晚歲聊長  
想生涯太若浮歸來南畝上更坐北溪頭古岸多磐石  
春泉足細流東隅誠已謝西景懼難收無謂退耕近伏

念已經秋庚桑逢處跪陶潛見人

一作吏

羞三晨寧舉火

五月鎮披裘自有居常樂誰知身世憂

春日

一作初春

前旦出園遊林華都未有今朝下堂來

一作望

池水開已

久雪被

一作避

南軒梅風催北庭柳遙呼竈前妾却報機

中婦年光恰恰來滿甕營春酒

採藥

野情貪藥餌郊居倦蓬華青龍護道符白犬遊仙術腰

鎌戊己月負鍤庚辛日時時斷嶂遮

一作橫

往往孤峰出

行披葛仙經坐檢神農

一作農皇

帙龜蛇採二苓赤白尋雙

朮地凍根難盡藂枯苗易失從容肉作名薯蕷膏成質  
家豐松葉酒器貯參花蜜且復歸去來刀圭輔衰疾

在京思故園見鄉人問

旅泊多年歲老去不知迴忽逢門前客道發故鄉來  
斂眉俱握手破涕共銜杯殷勤訪朋舊屈曲問童孩  
衰宗多弟姪若箇賞池臺舊園今在否新樹也應栽  
柳行疎



密布茅齋寬窄裁經移何處竹別種幾株梅渠當無絕  
水石計總生苔院果誰先熟林花那後開羈心祇欲問  
為報不須猜行當驅下澤去剪故園萊

春桂問答二首

問春桂桃李正芬

一作芳

華年光隨處滿何事獨無花

春桂荅春華詎能久風霜搖落時獨秀君知不

北山

舊知山裏絕氛埃登高日暮心悠哉子平一去何時返

仲叔長遊遂不來幽蘭獨夜清琴曲桂樹凌雲濁酒杯  
槁項同枯木丹心等死灰

野望

東臯薄暮望徙倚欲何依樹樹皆秋

一作春

色山山惟落

暉牧人驅犢返獵馬帶禽歸相顧無相識長歌懷采薇

贈程處士

百年長擾擾萬事悉悠悠日光隨意落河水任情流禮  
樂囚姬旦詩書縛孔丘不如高枕枕

一作上

時取醉消愁

九月九日贈崔使君善為

野人迷節候端坐隔塵埃忽見黃花吐方知素節回映  
巖千段發臨浦萬株開香氣徒盈把無人送酒來

獨坐

問君樽酒外獨坐更何須有客談名理無人索地租三  
男婚令族五女嫁賢夫百年隨分了未羨陟方壺

遊仙四首

暫出東陂路過訪北巖前蔡經新學道王烈舊成仙駕

鶴來無日乘龍去幾年三山銀作地八洞玉為天金精  
飛欲盡石髓溜應堅自悲生世促無暇待桑田

上自芝蘭徑中巖紫翠房金壺新煉乳玉釜始煎香六  
局黃公術三門赤帝方吹沙聊作鳥動石試為羊緱氏

還程促瀛洲會日長誰知北巖

阜一作

下延首詠霓裳

結衣尋野路負杖入山門道士言無宅仙人更有村斜  
溪橫桂渚小徑入桃源玉牀塵稍冷金爐火尚溫心疑  
遊北極望似陟西崑逆愁歸舊里蕭條訪子孫

真經知那是仙骨定何為許邁心長切嵇康命似奇桑  
疎金闕迴苔重石梁危照水然犀角遊山費虎皮鴨桃  
聞已種龍竹未經騎為向天仙道棲遑君詎知

策杖尋隱士

策杖尋隱士行行路漸賒石梁橫澗斷土室映山斜孝  
然縱一作疑有舍威輦遂無家置酒燒枯葉披書坐落花

新垂滋水釣舊結茂陵置歲歲長如此方知輕世華

贈學仙者

採藥層城遠尋師海路賒玉壺橫日月金闕斷烟霞仙  
人何處在道士未還家誰知彭澤意更覓一作道步兵那  
一作邪春釀煎松葉秋杯浸菊花相逢寧可醉定不學丹  
砂

黃頰山

別有青溪道斜亘碧巖隈崩榛橫古蔓荒石擁寒苔野  
心長寂寞山徑本幽迴步步攀藤上朝朝負藥來幾看  
松葉秀頻值菊花開無人堪作伴歲晚獨悠哉

建德破後入長安詠秋蓬示辛學士

一本無建德破後四

字

遇坎聊知止逢風或未歸孤根何處斷輕葉強能飛

過酒家五首

一作題酒店壁

洛陽無大宅長安乏主人黃金銷未盡祇為酒家貧

此日長昏飲非關養性靈眼看人盡醉何忍獨為醒

竹葉連糟翠蒲萄帶麴紅相逢不令盡別後為誰空

對酒但知飲逢人莫強牽倚壚便得睡橫甕足堪眠

有客須教飲無錢可別沽來時長道貫慚愧酒家胡一作

壺

夜還東溪

石苔應可踐叢枝幸易攀青溪歸路直乘月夜歌還

山中別李處士

為向東溪道人來路漸賒山中春酒熟何處得傳家

初春

春來日漸長醉客喜年光稍覺池亭好偏宜酒甕香



醉後

阮籍醒時少陶潛醉日多百年何足度乘興且長歌

題酒店壁

昨夜餅始盡今朝甕即開夢中占夢罷還向酒家來

戲題卜舖壁

旦逐劉伶去宵隨畢卓眠不應長賣卜須得杖頭錢

嘗春酒

野觴浮鄭酌山酒漉陶巾但令千日醉何惜兩三春

獨酌

浮

一作在

生知幾日無狀逐空名不如多釀酒時向竹林

傾

秋夜喜遇王處士

北場芸藿罷東臯刈黍歸相逢秋月滿更值夜螢飛

山夜調琴

促軫乘明月抽弦對白雲從來山水韻不使俗人聞

看釀酒

六月調神麴正朝汲美泉從來作春酒未省不經年

食後

田家無所有晚食遂為常菜剪三秋綠殮炊百日黃胡  
麻山麴樣楚豆野麋方始暴松皮脯新添杜若漿葛花  
消酒毒莢帶發羹香鼓腹聊乘興寧知逢世昌

過漢故城

大漢昔未定強秦猶擅場中原逐鹿罷高祖鬱龍驤經  
始謀帝坐茲焉壯未央規模窮棟宇表裏浚城隍羣后

崇長樂中朝增建章鉤陳被蘭綺樂府奏芝房翡翠明珠帳鴛鴦白玉堂清晨寶鼎食間夜鬱金香天馬來東道佳人傾北方何其赫隆盛自謂保靈長歷數有時盡哀平嗟不昌氷堅成巨猾火德遂頽綱奧位匪虛校貪天竟速亡魂神吁社稷豺虎鬪巖廊金狄移灞岸銅盤向洛陽君王無處所年代幾荒涼宮闕誰家域蓁蕪冒我裳井田唯有草海水變為桑在昔高門內於今岐路傍餘基不可識古墓列成行狐兔驚魍魎鴟鵂嚇獠狂

空城寒日晚平野暮雲黃烈烈焚青棘蕭蕭吹白楊千  
秋并萬歲空使詠歌傷

益州城西張超亭觀妓

一作盧照鄰詩  
一作王勣詩

落日明歌席行雲逐舞人江南飛暮雨梁上下輕塵冶  
服看疑畫粧臺望似春高車勿遽返長袖欲相親

詠妓

一作王  
勣詩

妖姬飾靚妝窈窕出蘭房日照當軒影風吹滿路香早  
時歌扇薄今日舞衫長不應令曲誤持此試周郎

辛司法宅觀妓

一作王勣詩

南國佳人至北堂  
羅薦開長裙隨鳳管  
促柱送鸞杯  
雲光身後蕩  
雪態掌中回到愁  
金谷晚不怪玉山頽

詠巫山

電影江前落雷聲  
峽外長霽雲無處  
所臺館曉蒼蒼

詠懷

故鄉行雲是虛室  
坐間同日落西山  
暮方知天下空

句

琴曲唯留古書多半是經

見周氏涉筆

橫裁桑節杖直剪

竹皮中鶴警琴亭夜鶯啼酒甕春顏回唯樂道原憲豈

傷貧

被台謝病見西青詩話

寄身千載下聊遊萬物初欲令無

作有翻覺實成虛

獨坐

雙關防易斷隻眼畏難全魚鱗

張九拒鶴翅擁三邊

圍棋長篇見韻語陽秋

御定全唐詩卷三十七

欽定四庫全書

集部

御定全唐詩卷

三十八至  
四十二

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣高中

謄錄監生臣徐鳳翔



欽定四庫全書

御定全唐詩卷三十八

蕭德言

蕭德言字文行雍州長安人貞觀中著作郎兼弘文館  
學士博涉經史晚尤篤志於學自晝達夜略無休倦每  
開五經必束帶盥濯危坐對之為春官侍讀拜祕書少  
監高宗以師傅恩加銀青光祿大夫集三十卷今存詩  
一首

詠舞

低身鏘玉珮舉袖拂羅衣對簷疑燕起映雪似花飛

鄭世翼

一作鄭翼

鄭世翼滎陽人弱冠有盛名武德中歷萬年丞揚州錄事參軍數以言辭忤物貞觀中坐怨謗流雋州卒集多遺失今存詩五首

過嚴君平古井

嚴平本高尚遠蹈古人風賣卜成都市流名大漢中舊

井改人世寒泉久不通年多既罷汲一作漂無禽乃遂空  
如何屬秋氣唯見落雙桐

登北邙還望

一作至

京洛

步登北邙坂踟躕聊寫望宛洛盛皇居規模窮大壯三  
河分設險兩峭資巨防飛觀紫烟中層臺碧雲上青槐  
夾馳道迢迢修且曠左右多第宅參差居將相清晨謁  
帝返車馬相追訪胥徒各異流文物紛殊狀囂塵暗天  
起簫管從風颺伊余孤一作忠且直生平獨淪喪山幽有

桂叢何為坐惆悵

巫山高

巫山凌太清  
峒巖類削成  
霏霏暮雨合  
靄靄朝雲生  
危峯入鳥道  
深谷寫猿聲  
別有幽棲客  
淹留攀桂情

看新婚

初笄夢桃李  
新妝應標梅  
疑逐朝雲去  
翻隨暮雨來  
雜珮含風響  
叢花隔扇開  
姮娥對此夕  
何用久裴回

見佳人負錢出路

獨負千金價應從買笑來  
祗持難發口經為幾人開

崔信明

崔信明青州益都人博聞彊記下筆成章大業中令堯  
城竇建德招之不屈去隱太行山貞觀中應詔舉終秦  
川令詩一首

送金竟陵入蜀

金門去蜀道玉壘望長安豈言千里遠方尋九折難西  
上君飛蓋東歸我挂冠猿聲出峽斷月彩落江寒從今

與君別花月幾新殘

句

楓落吳江冷

新唐書云信明寔傲自伐嘗謂過李百藥議者不許鄭世翼亦傲倨數佻輕忤物遇

信明江中謂之曰聞公有楓落吳江冷願見其餘信明欣然多出衆篇世翼覽未終曰所見不逮所聞投諸水去引舟

孔紹安

孔紹安越州山陰人陳尚書奐之子少誦古文集數十萬言外兄虞世南歎異之與詞人孫萬壽篤忘年好時

人稱為孫孔隋末為監察御史歸唐拜內史舍人恩禮甚厚嘗詔撰梁史未成而卒有文集五十卷今存詩七

首

侍宴詠石榴

本傳云大業末高祖討賊河東紹安以監察御史為監軍深見接遇

及受禪間行來奔拜內史舍人時夏侯端亦嘗監高祖軍先紹安歸朝授祕書監紹安因侍宴詠石榴詩時人稱之

可惜庭中樹移根逐漢臣只為來時晚花開不及春

詠夭桃

結葉還臨影飛香欲徧空不意餘花落翻沈露井中

贈蔡君

疇昔同幽谷伊爾遷喬木赫奕盛青紫討論窮簡牘

結客少年場行

結客佩吳鉤橫行度隴頭鴈在弓前落雲從陣後浮吳  
師驚燧象燕將警奔牛轉蓬飛不息水河結未流若使

三邊定當封萬戶

一作侯里

傷顧學士



迢遞雙嶠道超忽三川湄此中俱失路思君不可思遊  
人行變橘逝者遽焚芝憶昔江湖上同詠子衿詩何言  
陵谷徙翻驚鄰笛悲陳根非席卉總帳異書帷與善成  
空說殲良信在茲今日嚴夫子哀命不哀時

別徐永元秀才

金湯既失險玉石乃同焚墜葉還相覆落羽更為葦豈  
謂三秋節重傷一作陽千里分遠離弦易轉幽咽水難聞

欲識相思處山川間白雲

落葉

一作孔德紹詩

早秋驚落葉飄零似客心  
翻飛未肯下猶言惜故林

謝偃

謝偃衛縣人本姓直勒氏仕隋為散從正員外貞觀初  
應詔對策及第駕幸東都詔求直諫偃極言得失太宗  
稱美引為弘文館直學士為塵影二賦甚工嘗奉詔撰  
述聖賦又獻惟皇誠德賦以申諷時李百藥工五言詩  
偃善作賦時人稱為李詩謝賦出為湘潭令集十卷今

存詩四首

踏歌詞三首

春景嬌春臺新露泣新梅春葉參差吐新花重疊開花  
影飛鶯去歌聲度鳥來倩看飄颻雪何如舞袖迴

逶迤度香閣顧步出蘭閨欲繞鴛鴦殿先過桃李蹊風  
帶舒還卷簪花舉復低欲問今宵樂但聽歌聲齊

夜久星沉沒更深月影斜裙輕纔動珮髮薄不勝花細  
風吹寶袂輕露濕紅紗相看樂未已蘭燈照九華

樂府新歌應教

郭茂倩樂府作新曲

青樓綺閣已含春凝妝艷粉復如神細細輕裙

一作全裙

漏影離離薄扇詎障塵樽中酒色恒宜滿曲裏歌聲不厭新紫燕欲飛先遶棟黃鶯始哢即嬌人撩亂垂絲昏柳陌參差濃葉暗桑津上客莫畏斜光晚自有西園明月輪

蔡允恭

蔡允恭荊州江陵人有風采善綴文仕隋歷著作佐郎

起居舍人楊帝屬詞賦多令諷誦之入唐為文學館學士貞觀初除太子洗馬集二十卷今存詩一首

奉和出潁至淮應令

在隋時作

久倦川塗曲忽此望淮圻波長泛淼淼眺迥情依依稍覺金烏轉漸見錦帆稀欲知仁化洽謳歌滿路歸

杜之松

杜之松博陵曲陽人隋起居舍人貞觀中為河中刺史嘗答王績書云康成道重不許太守稱官老萊家居羞

與諸侯為伍僕豈不能正平公之坐敬養亥唐屈文侯之膝恭師子夏其雅尚可知矣詩一首

和衛尉寺柳

漢將本屯營遼河有戍城大夫曾取姓先生亦

一作曾

得

名高枝拂遠鴈疎影度遙星不辭攀折苦為入管弦聲

崔善為

崔善為貝州武城人善歷數仕隋為文林郎嘗領丁匠五百人營仁壽宮楊素為總監來按實善為持簿暗唱

五百人無一差失素大驚稍遷樓煩司戶書佐密勸高  
祖舉義旗兵起署為大將軍府司戶參軍轉尚書左丞  
貞觀中歷大理司農二卿出為秦州刺史詩二首

荅王無功冬夜載酒鄉館

頒條忝貴郡懸榻久相望處士同楊鄭邦君謝李疆詎  
知方擁篲逢子敬惟桑明朝蓬戶側會自謁任棠

荅王無功九日

秋來菊花氣深山客重尋露葉疑涵玉風花似散金摘

來還泛酒獨坐即徐斟王弘貪自醉無復覓楊林

朱仲晦

朱仲晦王績鄉人詩一首

荅王無功問故園

我從銅州來見子上京客問我故鄉事慰子羈旅色子  
問我所知我對子應識朋遊總强健童稚各長成華宗  
盛文史連牆富池亭獨子園最古舊林間新垌柳行隨  
隄勢茅齋看地形竹從去年移梅是今年榮渠水經夏



響石苔終歲青院果早晚熟林花先後明語罷相歎息  
浩然起深情歸哉且五斗餉子東臯耕

王宏

王宏濟南人與太宗幼日同學問為八體書及帝即位  
因訪鄉人竟傳隱去詩一首

從軍行

兕生三日掌上珠燕頤猿肱穠李膚十五學劍北擊胡  
羗歌燕筑送城隅城隅路接伊川驛河陽渡頭邯鄲陌

可憐年少把手時黃鳥雙飛梨花白秦王築城三千里  
西自臨洮東遼水山邊疊疊黑雲飛海畔莓莓青草死  
從來戰鬥不求勲殺身為君君不聞鳳皇樓上吹急管  
落日裊回腸先斷

朱子奢

朱子奢蘇州人善文辭通春秋貞觀時累官諫議大夫  
弘文館學士為人樂易能劇談以經義緣飾每侍宴帝  
令與羣臣論難皆莫能及詩一首

文德皇后輓歌

神京背紫陌，縹緲結行輶。  
北去橫橋道，西分清渭流。  
寒光向壟沒，霜氣入松楸。  
今日泉臺路，非是濯龍遊。

張文收

張文收貝州人，善音律。貞觀初授協律郎，咸寧中遷太子率更令，撰新樂書十二卷，存詩一首。

大酺樂

淚滴珠難盡，容殘玉易銷。  
倘隨明月去，莫道夢魂遙。

毛明素

毛明素貞觀中人詩一首

與琳法師

貞觀十一年法師  
幽繫故致詩焉

冶長倦縲紲韓安歎死灰始驗山中木方知貴不材

御定全唐詩卷三十八

欽定四庫全書

御定全唐詩卷三十九

陳子良

陳子良吳人在隋時為楊素記室入唐官右衛率府長史與蕭德言庾抱同為隱太子學士貞觀六年卒集十卷今存詩十三首

上之回

承平重遊樂詔蹕上之回屬車響流水清笳轉落梅嶺

雲蓋道轉巖花映綬開下輦便高宴何如在瑤臺

新成安樂宮

一作新宮詞

春色照蘭宮秦女坐牕中柳葉來眉上桃花落臉紅拂  
塵開扇匣卷帳却薰籠衫薄偏憎日裙輕更畏風

夏晚尋于政世置酒賦韻

聊從嘉遯所酌醴共抽簪以茲山水地留連風月心長  
榆落照盡高柳暮蟬吟一返桃源路別後難追尋

入蜀秋夜宿江渚

我行逢日暮，弭櫂獨維舟。  
水霧一邊起，風林兩岸秋。  
山陰黑斷磧，月影素寒流。  
故鄉千里外，何以慰羈愁。

賦得妓

金谷多歡宴，佳麗正芳菲。  
流霞席上滿，回雪掌中飛。  
明月臨歌扇，行雲接舞衣。  
何必桃將李，別有<sub>一作代</sub>春暉。

詠蕭侍中春園聽妓

<sub>一作李元操詩</sub>

微雨散芳菲，中園照落暉。  
紅樹搖<sub>一作遮</sub>歌扇，綠珠飄舞

衣。繁弦調對酒，雜引動思歸。  
愁人當此夕，羞見落花飛。

遊俠篇

一作俠客行

洛陽麗春色遊俠騁輕肥水逐車輪轉塵隨馬足飛雲  
影遙臨蓋花氣近薰衣東郊鬪雞罷南皮射雉歸日暮  
河橋上揚鞭惜晚暉

春晚看羣公朝還人為八韻

遊子惜春暮策杖出蒿萊正值康莊晚羣公謁帝迴履  
度南宮至車從北闕來珂影傍明月笳聲動落梅迎風  
采旄轉照日綬花開紅塵掩鶴蓋翠柳拂龍媒綺雲臨



舞閣丹霞薄吹臺輕肥寧所羨未若反山隈

讚德上越國公楊素

君侯稱上宰命世挺才英本超騏驎足復蘊風雲情攄  
藻揆錦綺育德潤瑤瓊已踵四知舉非無三傑名濟世  
同舟檝匡政本阿衡雍容入青瑣肅穆侍丹楹桂宮擅  
鳴珮槐路獨飛纓高門羅虎戟綺閣麗彫甍金樽酌湛  
湛歌扇掩盈盈匈奴軼燕薊烽火照幽并天子命薄伐  
受脤事專征七德播雄略十萬騁行兵鴈行蔽虜甸魚

貫出長城交河方飲馬瀚海盛揚旌拔劍倚天外蒙犀  
輝日精彎弧穿伏石揮戈斬大鯨鼓鼙朝作氣刁斗夜  
偏鳴六郡多壯士三邊豈足平嶺雲朝合陣山月夜臨  
營胡塵暗馬色芳樹動笳聲關雲未盡散塞霧常自生  
川長蔓草綠峯迥雜花明小人愧王氏雕文慙馬卿濫  
此叨書記何以謝過榮高山徒仰止終是恨才輕

於塞北春日思歸

我家吳會青山遠他鄉關塞白雲深為許羈愁長下淚

那堪春色更傷心  
驚鳥屢飛恒失侶  
落花一去不歸林  
如何此日嗟遲暮  
悲來還作白頭吟

送別

落葉聚還散  
征禽去不歸  
以我窮途泣  
沾君出塞衣

七夕看新婦  
隔巷停車

以下二首一作陳伯材詩

隔巷遙傳憶  
非復為來遲  
只言更尚淺  
未是渡河時

詠春雪

光映妝樓月  
花承歌扇風  
欲妬梅將柳  
故落早春中

庾抱

庾抱潤州江寧人有學術隋元德太子學士高祖初起  
隱太子引為隴西公府記室文檄皆出其手轉太子舍  
人集十卷今存詩五首

驄馬

櫪上浮雲驄本出吳門中發跡來東道長鳴起北風迴  
鞍拂桂白頰汗類塵紅滅沒徒留影無因圖漢宮

別蔡參軍

人世多飄忽溝水易西東今日歡娛盡何年風月同悲  
生萬里外恨起一杯中性靈如未失南北有征鴻

賦得胥臺露

胥臺既落構荆棘稍侵扉棟拆連雲影梁摧照日暉翔  
鷗逐不及巢燕及無歸唯有團階露承曉共沾衣

卧病喜霽開扉望月簡宮內知友

秋雨移弦望疲病倦苦辛忽對荆山壁委照越吟人高  
高侵地鏡皎皎徹天津色麗班姬篋光潤洛川神輪輝

池上動桂影隙中新懷賢雖不見忽似暫參辰

和樂記室憶江水

遙想觀濤處猶意採蓮歌無因關塞葉共下洞庭波

馬周

馬周字賓王清河茌平人孤貧好學尤精詩傳初入關  
舍中郎將常何家貞觀中代為草疏何武人上怪其能  
對以臣家客馬周為之召見大悅授監察御史數言事  
無不嘉納累遷中書令太宗嘗賜以飛白書曰鸞鳳凌

雲必資羽翼股肱之寄誠在忠良集十卷今存詩一首

凌朝浮江旅思

一作韋承慶詩

太清

一作天晴

上初日春水送孤舟山遠疑無樹潮平似不

流岸花開且落江鳥沒還浮羈望傷千里長歌遣四

一作

客愁

句

何惜鄧林樹不借一枝棲

出冊府元龜與李義甫句相似

來濟

來濟江都人隋大將軍護之子也字文化及之難護闔  
門遇害濟流離艱險篤志好學舉進士貞觀中初置太  
子司議郎妙選人望遂以濟為之遷中書舍人與令狐  
德棻等同撰晉書永徽中拜中書令出為庭州刺史與  
突厥戰陣沒集三十卷今存詩一首

出玉關

歛轡遵龍漢銜悽渡玉關今日流沙外垂涕念生還

張文恭



張文恭貞觀時人與房玄齡李懷儼趙弘智劉禕之陽  
仁卿上官儀李淳風等同修晉書詩二首

七夕

鳳律驚秋氣龍梭靜夜機星橋百枝動雲路七香飛映

月迴雕扇凌霞

一作雲

曳綺衣含情向華幄

一作帳

流態入

重闌歡餘夕漏盡怨結曉驂歸誰念分河漢還憶兩心  
違

佳人照鏡

倦采靡蕪葉貪憐照膽明兩邊俱拭淚一處有啼聲

薛元超

薛元超收之子九歲襲父爵及長好學善屬文太宗重之令尚和靜縣主累授太子舍人與修晉書高宗時累擢中書舍人所薦士若任希古郭正一崔融等皆以才自名上元初同中書門下三品政出武氏因陽啗乞骸骨卒集四十卷今存詩一首

奉和同太子監守違憲

高宗在東宮時元超為舍人太宗征高麗元超

韓王元嘉同太子監守賦  
達應詩一本作薛收詩誤

儲禁銅扉啟宸行玉軼

一作輅

遙空懷壽街吏尚隔寢門

朝北首瞻龍戟塵外想鸞鑣飛文映仙榜

一作詔

瀝思

一作

濟惠

叶神飈帝念紆蒼璧

一作陸

乾文煥紫霄歸

一作雲

塘橫

筆海平圃振詞條欲應重輪曲鏘洋韻九韶

蕭翼

蕭翼本名世翼太宗時命為監察御史充使取羲之蘭  
亭序真蹟於越僧辨才翼初作北人南遊一見欸密留

宿設酒酣樂探韻賦詩既而以術取其書以歸詩一首  
答辨才探得招字

邂逅欸良宵殷勤荷勝招彌天俄若舊初地豈成遙酒  
蟻傾還泛心猿躁似調誰憐失羣鴈長苦業風飄

歐陽詢

歐陽詢字信本潭州臨湘人博貫經史工書仕隋為太  
常博士高祖微時引為賓客及即位累遷給事中武德  
七年詔與裴矩陳叔達撰藝文類聚一百卷貞觀初官

至太子率更令詩一首

道失

已惑孔貴嬪又被辭人侮花牋一何榮七字誰曾許不

下結綺閣空迷江令語琬戈動地來悞殺陳後主

統纂  
云此

首見戲  
鴻堂帖

閻立本

閻立本雍州萬年人太宗時為主爵郎顯慶中累官將  
作大匠代兄立德為工部尚書總章初遷右相後改中

書令立本有應務才尤善圖畫工於寫真秦府十八學士圖及貞觀中凌煙閣功臣圖並其跡也詩一首

巫山高

一作閣  
復本詩

君不見巫山高半天起絕壁千尋盡

一作畫

相似君不

見巫山磕匝翠屏開湘江碧水遶山來綠樹春嬌明月

峽紅花朝覆白雲臺臺上朝雲無定所此中窈窕神仙

女仙女盈盈仙骨飛清容出沒有光輝欲暮高唐行雨

送今宵定入荆王夢荆王夢裏愛穠華枕席初開紅帳

遼可憐欲曉啼猿處說道巫山是妾家

張文琮

張文琮貝州人高宗相文瓘之弟好自寫書筆不釋手  
貞觀中為侍書御史三遷亳州刺史為政清簡永徽中  
拜戶部侍郎出為建州刺史集二十卷今存詩六首

同潘屯田冬日早朝

假寐懷古人夙興瞻曉月通晨禁門啟冠蓋趨朝謁霜  
靄清九衢霞光照雙闕紛綸文物紀煥爛聲明發腰劍

動陸離鳴玉和清越

蜀道難

梁山鎮地險積石阻雲端深谷下寥廓層巖上鬱盤飛  
梁架絕嶺棧道接一作逸危巒攬轡獨長息方知斯路難

昭君怨

戒途飛萬里迴首望三秦忽見天山雪還疑上苑春玉  
痕垂粉淚羅袂拂胡塵為得胡中曲還悲遠嫁人

詠水



標名資上善流派表靈長地圖羅四瀆天文載五潢方  
流涵玉潤圓折動珠光獨有蒙園吏棲偃翫濠梁

賦橋

造舟浮渭日鞭石表秦初星文遙寫漢虹勢尚凌虛已  
授文成履空題武騎書別有臨濠上棲偃獨觀魚

和楊舍人詠中書省花樹

花

一作初

萼映芳叢參差間早紅因風時落砌雜雨乍浮

空影照鳳池水香飄雞樹風豈不愛攀折希君懷袖中

御定全唐詩卷三十九

欽定四庫全書

御定全唐詩卷四十

上官儀

上官儀字游韶陝州陝人貞觀初擢進士第召授弘文館直學士遷秘書郎太宗每屬文遣儀視藁私宴未嘗不預高宗即位為秘書少監進西臺侍郎同東西臺三品麟德元年坐梁王忠事下獄死儀工詩其詞綺錯婉媚人多効之謂為上官體集三十卷今編詩一卷

奉和過舊宅應制

石關清晚夏璇輿御早秋神麾颺珠雨仙吹響飛流沛

水祥雲泛宛郊瑞氣浮大風迎

一作凝

漢筑

一作築

藜烟入

舜球翠梧臨鳳邸滋蘭帶鶴舟偃伯歌玄化扈蹕頌王

遊遺簪謬昭

一作詔

獎珥筆荷恩休

早春桂林殿應詔

步輦出披香清歌臨太液曉樹流鶯滿春堤芳草積風

光

一作色

翻露文雪華上空碧花蝶來未已山光暖將夕

安德山池宴集

上路抵平津後堂羅薦陳締交開狎賞麗席展芳辰密  
樹風烟積迴塘荷芰新雨霽虹橋晚花落鳳臺春翠釵  
低舞席文杏散歌塵方惜流觴滿夕鳥已城闌

酬薛舍人萬年宮晚景寓直懷友

奕奕九成臺窈窕絕塵埃蒼蒼萬年樹玲瓏下冥霧池  
色搖晚空巖花一作光斂餘煦清切丹禁靜浩蕩文河注

留連窮勝託夙

風一作

期睽善謔東望安仁省西臨子雲

閣長嘯披煙霧高步尋蘭若金狄掩通門雕鞍歸騎喧  
燕姝對明月荆豔促芳尊別有青山路策杖訪王孫

奉和潁川公秋夜

沈寥空色遠芸黃淒序變酒浦落遵鴻長飈送巢燕千  
秋流夕景萬籟含宵喚

一作轉

峻雉聆金柝層臺切銀箭

謝都督挽歌

漠漠佳城幽蒼蒼松檟暮魯幕飄欲卷宛駟悲還顧楚

挽

一作繞

繞廬山胡笳臨武庫悵然郊原靜烟生歸鳥度

八詠應制二首

啟重帷重帷照文杏翡翠藻輕花流蘇媚浮影瑤笙燕  
始歸金堂露初晞風隨少女至虹共美人歸羅薦已擘  
鴛鴦被綺衣復有蒲萄帶殘紅豔粉映簾中戲蝶流鶯  
聚窗外洛濱春雪迴巫峽暮雲來雪花飄玉輦雲光上  
璧臺共待新妝出清歌送落梅

入叢臺叢臺裏春露滴瀝間深紅參差散輕素妝

一作粉

蝶驚復聚黃鸝飛且顧攀折殊未已復值驚飛起送影

舞衫前飄香歌扇裡望望惜春暉行行猶未歸暫得佳  
遊趣更愁花鳥稀且學鳥聲調鳳管方移花影入鴛機

和太尉戲贈高陽公

薰爐御史出神仙雲鞍羽蓋下芝田紅塵正起浮橋路  
青樓遙敞御溝前傾城比態芳菲節絕世相嬌是六年  
慣是洛濱要解珮本是河間好數錢翠釵照耀銜雲髮  
玉步逶迤動羅袜石榴絞帶輕花轉桃枝綠扇微風發  
無情拂袂欲留賓詎恨深潭不可越天津一別九秋長



豈若隨聞三日香南國自然勝掌上東家復是憶王昌

王昭君

玉關春色晚金河路幾千琴悲桂條上笛怨柳花前霧

掩臨妝月

一作鳳

風驚入鬢蟬緘

一作裁

書待還使淚盡白

雲

一作日南天

詠雪應詔

禁園凝朔氣瑞雪掩晨曦花明棲鳳閣珠散影娥池飄

素迎歌上翻光

一作花

向舞移幸因千里映還繞萬年枝

奉和山夜臨秋

殿帳清炎氣輦道含秋陰淒風移漢筑流水入虞琴雲  
飛送斷雁月上淨疎林滴瀝露枝響空濛烟壑深

江王太妃挽歌

黃鶴悲歌絕椒花清頌餘埃凝寫鄰鏡網結和扉魚銀  
消風燭盡珠滅夜輪虛別有南陵路幽叢臨葉疎

故北平公挽歌

木落園林曠庭虛風露寒北里清音絕南陔芳草殘遠

氣猶標劍浮雲尚寫冠  
寂寂琴臺晚秋陰入井榦

高密長公主挽歌

湘渚韜靈跡娥臺靜  
瑞音鳳逐清簫遠鸞隨幽鏡沈霜

處華英

一作英

落風前銀燭侵寂寞  
平陽宅

一作館

月冷洞

房深

詠畫障

芳晨麗日桃花浦  
珠簾翠帳鳳凰樓  
蔡女菱歌移錦纜  
燕姬春望上瓊鉤  
新妝漏影浮輕扇  
冶袖飄香入淺流

未減行雨

一作雲

荆臺下自比凌波洛浦遊

奉和秋日即日應制

上苑通平樂神池邇建章樓臺相掩映城闕互相望緹

油泛行幔簫吹轉浮梁晚雲含朔氣斜照

一作陽

蕩秋光

落葉飄蟬影平流寫雁行槿散凌風縹荷銷裛露香仙

歌臨杙栢玄豫歷長楊歸路乘明月千門開未央

入朝洛堤步月

脈脈廣川流驅馬歷長洲鵲飛山月曙蟬噪野風秋

春日

一作元  
萬頃詩

花輕蝶亂仙人杏葉密鶯啼

一作  
喧

帝女桑飛雲閣上春

應至明月樓中夜未央

從駕閭山詠馬

桂香塵處減練影月前空定惑由

一作  
乏函

關吏徒嗟塞上

翁

御定全唐詩卷四十

欽定四庫全書

御定全唐詩卷四十一

盧照鄰

盧照鄰字昇之范陽人十歲從曹憲王義方授蒼雅調  
鄧王府典籤王有書十二車照鄰總披覽略能記憶王  
愛重比之相如調新都尉染風疾去官居太白山以服  
餌為事又客東龍門山疾甚足攣一手又廢乃去陽翟  
具茨山下買園數十畝疏潁水周舍復豫為墓偃卧其

中後不堪其苦與親屬訣自投潁水死年四十嘗著五  
悲文以自明有集二十卷又幽憂子三卷今編詩二卷

中和樂九章

歌登封第一

炎圖喪寶黃歷開璿祖武類帝宗文配天王鑾垂日翠  
華陵煙東雲千呂南風入弦山稱萬歲河慶千年金繩  
永結壁麗長懸

歌明堂第二



穆穆聖皇雍雍明堂左平右城上圓下方調均風雨制  
度陰陽四牕八達五室九房南通夏火西瞰秋霜天子  
臨御萬玉鏘鏘

歌東軍第三

遐哉廟略赫矣台臣橫戈碣石倚劍浮津風丘拂籜日  
域清塵島夷復祀龍伯來賓休兵寓縣獻馘天闔旆海  
凱入耀輝震震

歌南郊第四

虔郊上帝肅事圓丘龍駕四牡鸞旂九旂鐘歌晚引紫  
煬高浮日麗蒼壁雲飛鳴球皇之慶矣萬壽千秋

歌中宮第五

祥遊沙麓慶洽瑤衣黃雲晝聚白氣宵飛居中履正稟  
和體微儀刑赤縣演教椒闈陶鈞萬國丹青四妃河洲  
在詠風化攸歸

歌儲宮第六

波澄少海景麗前星高禔誕聖甲觀昇靈承規翠所問

寢瑤庭宗儒側席問道橫經山賓皎皎國胄青青黃裳  
元吉邦家以寧

歌諸王第七

星陳帝子嶽列天孫義光帶礪象著乾坤我有明德利  
建攸存直以茅社錫以犧尊藩屏王室翼亮堯門八才  
兩獻夫何足論

歌公卿第八

蹇蹇三事師師百寮羣龍在職振鷺盈朝豐金輝首珮

玉鳴腰青蒲翼翼丹地翹翹歌雲佐漢捧日匡堯天工  
人代邈邈昭昭

總歌第九

明明天子兮聖德揚穆穆皇后兮陰化康登若木兮坐  
明堂池濛汜兮家扶桑武化偃兮文化昌禮樂昭兮股  
肱良君臣已定兮君永無疆顏子更生兮徒皇皇若有  
人兮天一方忠為衣兮信為裳飡白玉兮飲瓊芳心思  
荃兮路阻長

關山月

塞垣通碣石虜障

一作陣

抵祁連相思在萬里明月正孤

懸影移金岫北光斷玉門前寄言閨中婦時看鴻雁天

上之回

回中道路險蕭關烽候多五營屯北

一作右

地萬乘出西

河單于拜玉璽天子按雕戈振旅汾川曲秋風橫大歌

紫騮馬

騮馬照金鞍轉戰入皋蘭塞門風稍急長城水正寒雪

暗鳴珂重山長噴玉難不辭橫絕漠流血幾時乾

戰城南

將軍出塞冒頓在烏貪茹喧雁門北陣翼龍城南凋  
弓夜宛轉鐵騎曉參驂一作潭應須駐白日為待戰方酣

梅花落

梅嶺花初發天山雪未開雪處疑花滿花邊似雪迴因  
風入舞袖雜粉向妝臺匈奴幾萬里春至不知來

結客少年場行

長安重遊俠洛陽富財雄王劍浮雲騎金鞭

一作鞍

明月

弓鬪雞過渭北走馬向關東孫賓遙見待郭解暗相通  
不受千金爵誰論萬里功將軍下天上虜騎入雲中烽  
火夜似月兵氣曉成虹橫行徇知己負羽遠從戎龍旌  
昏朔霧烏陣捲胡風追奔瀚海咽戰罷陰山空歸來謝  
天子何如馬上翁

詠史四首

季生昔未達身辱功不成髡鉗為臺隸灌園變姓名幸

逢滕將軍無遇曹丘生漢祖廣招納一朝拜公卿百金  
孰云重一諾良匪輕廷議斬樊噲羣公寂無聲處身孤  
且直遭時坦而平丈夫當如此唯唯何足榮

大漢昔云季小人道遂振玉帛委奄

一作閻

尹斧鎖嬰緡

紳邈哉郭先生卷舒得其真雍容謝朝廷談笑獎人倫  
在晦不絕俗處亂不為親諸侯不得友天子不得臣冲  
情甄負甌重價折角巾悠悠天下士相送洛橋津誰知  
仙舟上寂寂無四鄰



公業負奇志交結盡才雄良田四百頃所食常不充一  
為侍御史慷慨說何公何公何為敗吾謀適不同仲穎  
恣殘忍廢興良在躬死人如亂麻天子如轉蓬干戈及  
黃屋荆棘生紫宮鄭生運其謀將以清國戎時來命不  
遂脫身歸山東凜凜千載下穆然一作如懷清風

昔有平陵男姓朱名阿游直髮上衝冠壯氣橫三秋願

得

一作請

斬馬劍先斷佞臣頭天子玉檻折將軍丹血流

捐生不肯拜視死其若休歸來教鄉里童蒙遠相求弟

子數百人散在十二州三公不敢吏五鹿何能酬名與  
日月懸義與天壤儔何必疲執戟區區在封侯偉哉曠  
達士知命固不憂

贈李榮道士

錦節銜天使瓊仙駕羽君投金翠山曲奠壁清江瀆圓

洞開丹鼎方壇聚絳雲寶

一作寶

貺幽難識空歌迴易分

風搖十洲影日亂九江文敷誠歸上帝應詔在明君獨  
有南冠客耿耿泣離羣遙看八會所真氣曉氤氲

早度分水嶺

丁

一作十

年遊蜀道斑鬚

一作萬里

向長安徒費周王粟空彈

漢吏冠馬蹄穿欲盡貂裘敝

一作故

轉寒層冰橫九折積

石凌七盤重溪既下漱峻峰亦上千隴頭聞戍鼓嶺

一作

雲

外咽飛湍瑟瑟松風急蒼蒼山月團傳語後來者斯

路誠獨難

三月曲水宴得尊字

風煙彭澤里山水仲長園由來棄銅墨本自重琴尊高

情邈不嗣雅道今復存有美光時彥養德坐山樊門開

芳杜逕室距

一作拒

桃花源公子黃金勒仙人紫氣軒長

懷去城市高詠狎蘭蓀連沙飛白鷺孤嶼嘯玄猿日影  
巖前落雲花江上翻興闌車馬散林塘夕鳥喧

奉使益州至長安發鍾陽驛

躋

一作踰

險方未夷垂春聊騁望落花赴丹谷奔流下青

嶂

一作障

歲蕤曉

一作雜

樹滋滉漾春江漲平川看釣侶狹

徑聞樵唱蝶戲綠苔前鶯歌白雲上耳目多異賞風煙

有奇狀峻阻埒長城高標吞巨舫

一作防

聯翩事羈勒辛

苦勞疲恙夕濟幾潺湲晨登每惆悵誰念復芻狗山河  
獨偏喪

和王奭秋夜有所思

寂寂南軒夜悠然懷所知長河落雁苑明月下鯨池鳳  
臺有清曲此曲何人吹丹唇間玉齒妙響入雲涯窮巷  
秋風葉空庭寒露枝勞歌欲有和星鬢已將垂

望宅中樹有所思

我家有庭樹秋葉正離離上舞雙棲鳥中秀合歡枝勞  
思復勞望相見不相知何當共攀折歌笑此

一作北堂垂

宿晉安亭

聞有弦歌地穿鑿本多奇遊人試一覽臨翫果忘疲窗

橫暮捲

一作落

葉簷卧古生枝舊石開紅蘚新荷覆綠池

孤猿稍斷絕宿

一作百

鳥復參差汎灩月華曉裊回星鬢

垂今日刪書客悽惶君詎知

于時春也慨然有江湖之思寄贈柳九隴

提琴一萬里負書三十年晨攀偃蹇樹暮宿清泠泉翔  
禽鳴我側旅獸過我前無人且無事獨酌還獨眠遙聞  
彭澤宰高弄武城弦形骸寄文墨意氣託神仙我有壺  
中要題為物外篇將以貽好道道遠莫致旃相思勞日  
夜相望阻風煙坐惜春華晚徒令客思懸水去東南地  
氣凝西北天關山悲蜀道花鳥憶秦川天子何時問公  
卿本亦一作不憐自哀還自樂歸數復歸田海屋銀為棟  
雲車電作鞭倘遇鸞將鶴誰論韶與蟬萊洲頻度淺桃

實樂成圓寄言飛鳬舄歲宴同

一作共

聯翩

至望喜矚目言懷貽劍外知己

聖圖夷九折神化掩三分緘愁赴蜀道題拙奉虞薰隱  
麟度深谷遙裊上高雲碧流遞紫注青山互糾紛澗松  
咽風緒巖花濯露文思北常依馭圖南每喪羣

一本無澗松四

句無由召宣室何以荅吾君

赤谷安禪師塔

獨坐巖之曲悠然無俗紛酌酒呈丹桂思詩贈白雲煙



霞朝晚聚猿鳥歲

一作四

時聞水華競

一作鏡

秋色山翠含

夕曛高談十二部細覈五千文如如數冥昧生生理氛

一作氤

古人有糟粕輪扁情未分且當事芝朮從吾所

好云

贈益府裴錄事

忽忽歲云暮相望限風煙長歌欲對酒危坐遂停弦傳  
弦變霜露對酒懷朋故朝看桂蟾晚夜聞鴻雁度鴻雁  
何時還桂晚不同攀浮雲映丹壑明月滿青山青山雲

路深丹壑月華臨耿耿離憂積空令星鬢

一作髮侵

贈益府羣官

一鳥自北燕飛來向西蜀  
單棲劍門上獨舞岷山足  
昂藏多古貌哀怨有新曲  
羣鳳從之遊問之何所欲  
荅言寒鄉子飄飄萬餘里  
不息惡木枝不飲盜泉水  
常思稻粱遇願棲梧桐樹  
智者不我邀愚夫余不顧  
所以成獨立耿耿歲云暮  
日夕苦風霜思歸赴洛陽  
羽翮毛衣短關山道路長  
明月流客思白雲迷故鄉  
誰能借風便一

舉凌蒼蒼

送梓州高參軍還京

京洛風塵遠，裊斜煙露

一作霧

深北遊君似智，南飛我異

禽。別路琴聲斷，秋山猿鳥吟。一乖青巖酌，空佇白雲心。

大劍送別劉右史

金碧禺山遠，關梁蜀道難。相逢屬晚歲，相送動征鞍。地咽綿川冷，雲凝劍閣寒。倘遇忠孝所，為道憶長安。

同臨津紀明府孤雁

三秋違北地

一作雁

萬里向南翔河洲花稍白關塞葉初

黃避繳風霜勁懷書道路長水流疑箭動月照似弓傷  
橫天無有陣度海不成行會刷能鳴羽還赴上林鄉

失羣雁

并序

溫縣明府以雁詩垂示余以為古之郎官出宰百  
里今之墨綬入應千官事止雁行未宜傷歎至如  
羸卧空巖者乃可為失羣慟耳聊因伏枕多暇以  
斯文應之

三秋北地雪皚皚萬里南翔渡海來欲隨石燕沈湘水  
試逐銅烏繞帝臺帝臺銀闕距金塘中間鷓鴣已成行  
先過上苑傳書信暫下中州戲稻梁虞人負繳來相及  
齊客虛弓忽見傷毛翎頻頓一作顯賴飛無力羽翮摧頽君  
不識唯有莊周解愛鳴復道郊哥一作歌重奇色惆悵驚  
思悲未已衰回自憐中罔極傳聞有鳥集朝陽詎勝仙  
鳬邇帝鄉雲間海上應鳴舞遠得鷗弦猶獨撫金龜全  
寫中年印玉鵠當變萊蕪釜願君弄影鳳皇池時憶籠

中摧折羽

行路難

君不見長安城北渭橋邊  
枯木橫槎卧古田  
昔日含紅復含紫  
常時留霧亦留煙  
春景春風花似雪  
香車玉輦恒闌咽  
若箇遊人一作童不競攀  
若箇娼家不來折  
娼家

寶袂蛟龍帔  
公子銀鞍千萬騎  
黃鶯一一向花嬌  
青鳥

雙雙將子戲  
千尺長條百尺枝  
月一作丹桂星一作青榆相

蔽虧珊瑚葉  
上駕鵞鳥鳳  
皇巢裏雛鵲兒  
巢傾枝折鳳

歸去

一作巢傾  
折鳳歸去

條枯葉落任

一作狂

風吹一朝零落無人

問萬古摧殘君詎知人生貴賤無終始倏忽須臾難久

恃誰家能駐西山日誰家能堰東流水漢家陵樹滿秦

川行來行去盡哀憐自昔公卿二千石咸擬榮華一萬

年不見朱唇將白

一作玉

貌唯聞素

一作青

棘與黃泉金貂

有時換美

一作便換

酒玉塵但

一作恒

搖莫計錢寄言坐客神

仙署一生一死交情處蒼龍闕下君不來白鶴山前我

應去雲間海上邈難期赤心會合在何時但願堯年一

百萬長作巢由也不辭

長安古意

長安大道連狹斜青牛白馬七香車玉輦縱橫過主第  
金鞭絡繹向侯家龍銜寶蓋承朝日鳳吐流蘇帶晚霞  
百丈遊絲爭繞樹一羣嬌鳥共啼花啼花戲蝶千門側  
碧樹銀臺萬種色複道交窗作合歡雙闕連甍垂鳳翼  
梁家畫閣天中起漢帝金莖雲外直樓前相望不相知  
陌上相逢詎相識借問吹簫向紫煙曾經學舞度芳年



得成比目何辭死願作鴛鴦不羨仙比目鴛鴦真可羨  
雙去雙來君不見生憎帳額繡孤鸞好取門簾帖雙燕  
雙燕雙飛繞畫梁羅幃翠被鬱金香片片行雲著蟬鬢  
纖纖初月上鴉黃鴉黃粉白車中出含嬌含態情非一  
妖童寶馬鐵連錢娼婦盤龍金屈膝御史府中烏夜啼  
廷尉門前雀欲栖隱隱朱城臨玉道遙遙翠幃沒金堤  
挾彈飛鷹杜陵北探丸借客渭橋西俱邀俠客芙蓉劍  
共宿娼家桃李蹊娼家日暮紫羅裙清歌一轉口氛氲

北堂夜夜人如月南陌朝朝騎似雲南陌北堂連北里  
五劇三條控三市弱柳青槐拂地垂佳氣紅塵暗天起  
漢代金吾千騎來翡翠屠蘇鸚鵡杯羅襦寶帶為君解  
燕歌趙舞為君開別有豪華稱將相轉日回天不相讓  
意氣由來排濯夫專權判不容蕭相專權意氣本豪雄  
青虬紫燕坐春一作生風自言歌舞長千載自謂驕奢凌  
五公節物風光不相待桑田碧海須臾改昔時金階白  
玉堂即今唯見青松在寂寂寥寥揚子居年年歲歲一

牀書獨有南山桂花發飛來飛去襲人裾

明月引

洞庭波起兮鴻雁翔風瑟瑟兮埜蒼蒼浮雲卷靄明月  
流光荆南兮趙北碣石兮瀟湘澄清規於萬里照離思  
於千行橫桂枝於西第繞菱花於北堂高樓思婦飛蓋  
君王文姬絕域侍子他鄉見胡鞍之似練知漢劍之如  
霜試登高而騁一作極目莫不變而回腸

獄中學騷體

夫何秋夜之無情兮皎晶悠悠而太長園戶杳其幽邃  
兮愁人披此嚴霜見河漢之西落聞鴻雁之南翔山有  
桂兮桂有芳心思君兮君不將憂與憂兮相積歡與歡  
兮兩忘風嫋嫋兮木紛紛凋綠葉兮吹白雲寸步千里  
兮不相聞思公子兮日將曛林已暮兮鳥羣飛重門掩  
兮人徑稀萬族皆有所托兮蹇獨淹留而不歸

懷仙引

若有人兮山之曲駕青虬兮乘白鹿往從之遊願心足

披澗戶訪巖軒石瀨潺湲橫石徑松蘿羃歷掩松門下  
空濛而無鳥上巉巖而有猿懷飛閣度飛梁休余馬於  
幽谷挂余冠於夕陽曲復曲兮煙莊邃行復行兮天路  
長修途杳其未半飛雨忽以茫茫山塊軋磴一作連寨  
攀石壁而無據汙泥溪而不前向無情之白日竊有恨  
於皇天回行遵故道通川遍流潦回首望羣峰白雲正  
溶溶珠為闕兮玉為樓青雲蓋兮紫霜裘天長地久時  
相憶千齡萬代一來遊

七日登樂遊故墓

四序周緹籥三正紀璿耀綠野變初黃  
場山開曉眺中天擢露掌匝地分星微  
漢寢賸遺靈秦江想餘弔蟻泛青田  
酌鶯歌紫芝調柳色搖歲華冰文蕩  
春照遠迹謝羣動高情符衆妙蘭遊  
澹未歸傾光下巖窈

釋疾文三首

歲將暮兮歡不再時已晚兮憂來多  
東郊絕此麒麟筆西山秘此鳳凰柯  
死去死去今如此生兮生兮奈汝何

歲去憂來兮東流水地久天長兮人共死明鏡羞窺兮  
向十年駿馬停驅兮幾千里麟兮鳳兮自古吞恨無已  
茨山有薇兮潁水有漪夷為柏兮秋有實叔為柳兮春  
向一作雨飛候爾而笑汎滄浪兮不歸

御定全唐詩卷四十一